



Broj: 09-20-11-2-2109/22
Datum: 16.11.2022. godine

Na osnovu člana 43. stav 1., a u vezi sa članom 45. stav 2. Zakona o unutrašnjim poslovima Federacije BiH („Službene novine FBiH“, broj 81/14) i čl. 27. i 70. Zakona o javnim nabavkama („Službeni glasnik BiH“, broj 39/14), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2022. godinu, zamjenik direktora Federalne uprave policije, d o n o s i:

ODLUKU

o izboru najpovoljnijeg ponuđača u predmetu „Nabavka vojne opreme“ za LOT 2

I

Na osnovu obavještenja o nabavci broj 1412-3-1-199-3-105/22 od 31.8.2022. godine, objavljenog u „Službenom glasniku BiH“ broj 61/22 od 09.9.2022. godine, proveden je pregovarački postupak sa objavom obavještenja o nabavci, u predmetu „Nabavka vojne opreme“.

II

Za predmetnu nabavku LOT 2, zaprimljene su 3 (tri) konačne ponude i to od ponuđača: KM TRADE d.o.o. Visoko, PATRIO d.o.o. Ilidža i DANIAL S d.o.o. Tešanj.

III

Komisija je utvrdila da ponuda ponuđača PATRIO d.o.o. Ilidža, za LOT 2, sa cijenom od 1.900,00 KM bez PDV-a, odnosno 2.223,00 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu u potpunosti zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku nakon provedene e-aukcije od 15.11.2022. godine.

IV

Obavezuje se ponuđač iz tačke III ove Odluke da, u roku od 5 dana od dana prijema ove Odluke, dostavi dokumente navedene u Tenderskoj dokumentaciji, broj protokola 09-20-11-2-2109/22 od 29.8.2022. godine.

V

Po okončanju roka za žalbu ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku.

VI

Prihvatajući prijedlog Komisije zamjenik direktora Federalne uprave policije donosi Odluku kao u dispozitivu i ista stupa na snagu danom donošenja.

VII

Za izvršenje Odluke zadužuje se Sektor za materijalno-finansijske poslove.

Obrazloženje

Komisija za provođenje postupka nabavke u skladu sa članom 8. Zakona o javnom nabavkama za 2022. godinu, imenovana Rješenjem zamjenika direktora Federalne uprave policije, broj 09-19/1-30-2-66 od 20.01.2022. godine, postupila je shodno obavještenju o nabavci koji je objavljen u „Službenom glasniku BiH“, broj 61/22 od 09.9.2022. godine, na osnovu čega je proveden pregovarački postupak u predmetu „Nabavka vojne opreme“, podijeljena na lotove i to: LOT 1, LOT 2, LOT 3 i LOT 4. Procijenjena vrijednost za LOT 1 je 11.965,82 KM bez PDV-a, LOT 2 je 7.692,30 KM bez PDV-a, LOT 3 je 9.401,71 KM bez PDV-a i za LOT 4 je 512,82 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača KM TRADE d.o.o. Visoko, PATRIO d.o.o. Ilidža, SHOT d.o.o. Zenica, DANIAL S d.o.o. Tešanj i FIRE TRADE d.o.o. Srebrenik, što je konstatovano u Zapisniku broj 09-11-2-2109/22 od 22.9.2022. godine.

Komisija je dana 04.10.2022. godine uputila pozive kvalifikovanim ponuđačima za dostavljanja početnih ponuda. U skladu sa navedenim rokom ponuđač FIRE TRADE d.o.o. Srebrenik dostavio je početnu ponudu za LOT 2, ponuđač DANIAL S d.o.o. Tešanj je dostavio početnu ponudu za LOT 1, 2 i 3, ponuđač SHOT d.o.o. Zenica je dostavio početnu ponudu za LOT 2 i 3, ponuđač KM TRADE d.o.o. Visoko je dostavio početnu ponudu za sve LOT-ove i PATRIO d.o.o. Ilidža je dostavio početnu ponudu za sve LOT-ove.

Ponuđač FIRE TRADE d.o.o. Srebrenik dostavio je početnu ponudu za LOT 2, a koja je nepotpuna u smislu nedostataka tražene obavezne dokumentacije, a ogleda se u ne dostavljanju obrasca za početnu ponudu Aneks 1, a isti je dostavio Aneks 1 obrazac za dostavljanje zahtjeva za učešće u fazi pretkvalifikacije. Tačkom 11 Tenderske dokumentacije su propisani dokumenti koje ponuđači moraju da dostave za početnu ponudu, kao i pozivom za dostavljanje početnih ponuda i pregovora u tački III broj 09-20-11-2-2109 od 04.10.2022. godine, obzirom da nije dostavio zahtjevani aneks, isti je pismeno obavješten da se neće vršiti pregovaranje, iz razloga što je njegova ponuda nepotpuna, neprihvatljiva, te da njegova ponuda ne ispunjava uslove iz tenderske dokumentacije, što je konstatovano u Zapisniku broj 09-11-2-2109/22 od 25.10.2022. godine.

Komisija je uvidom u gore navedene ponude konstatovala da su početne ponude ponuđača DANIAL S d.o.o. Tešanj za LOT 1 i 2, SHOT d.o.o. Zenica za LOT 2, KM TRADE d.o.o. Visoko za LOT 1, 2, 3 i 4 i PATRIO d.o.o. Ilidža za LOT 1, 2, 3 i 4, ocijenjene prihvatljivim što je konstatovano u Zapisniku broj 09-20-11-2-2109/22 od 25.10.2022. godine.

Dana 26.10.2022. godine obavljani su pregovori sa ponuđačima, gdje su isti obaviješteni za koje LOT-ove njihove početne ponude su prihvatljive i ispunjavaju uslove i za koje će dobiti pozive za konačnu ponudu. Nakon čega su dana 28.10.2022. godine upućeni pozivi za dostavljanje konačnih ponuda za LOT 2 i to ponuđačima: DANIAL S d.o.o. Tešanj, KM TRADE d.o.o. Visoko i PATRIO d.o.o. Ilidža, dok ponuđaču SHOT d.o.o. Zenica nije upućen poziv za dostavljanje konačne ponude za LOT 2, obzirom da ponuda ne ispunjava uslove tražene tenderskom dokumentacijom, što je konstatovano u Zapisnicima broj 09-11-2-2109/22 od 26.10.2022. godine.

Komisija je na sastanku održanom dana 08.11.2022. godine izvršila analizu zaprimljenih konačnih ponuda, u smislu da li ispunjavaju uslove navedene u pozivu ugovornog organa za dostavljanje konačne ponude za LOT 2, te je utvrdila da ponude ponuđača: KM TRADE d.o.o. Visoko, PATRIO d.o.o. Ilidža i DANIAL S d.o.o. Tešanj ispunjavaju tražene uslove, što je konstatovano u Zapisniku broj 09-11-2-2109/22 od 08.11.2022. godine.

Obzirom da je kriterij za dodjelu ugovora najniža cijena, Komisija je Sektoru za materijalno-finansijske poslove uputila akt broj 09-20-11-2-2109/22 od 09.11.2022. godine, kojim je traženo provođenje e-aukcije u navedenom postupku.

Komisije je dana 15.11.2022. godine zaprimila akt Sektora za materijalno-finansijske poslove broj 20-20/1-11-2-2109/22 od 15.11.2022. godine, u prilogu kojeg je dostavljen izvještaja o toku i završetku e-aukcije 1412-3-1-199/22 od 11.11.2022. godine. Nakon zaprimljenog akta Komisija je konstatovala činjenično stanje i daje preporuku rukovodiocu ugovornog organa da donese odluku o izboru najpovoljnijeg ponuđača za LOT 2, ponuđaču PATRIO d.o.o. Ilidža, sa cijenom od 1.900,00 KM bez PDV-a, odnosno 2.223,00 KM sa PDV-om, koja u ekonomskom i tehničkom smislu u potpunosti zadovoljava zahtjev ugovornog organa, a što je konstatovano u Zapisniku nakon provedene e-aukcije broj 09-20-11-2-2109/22 od 15.11.2022. godine.

POUKA O PRAVNOM LIJEKU:

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog/prvostepenog organa.

Prilog:

- Zapisnik o ocjeni konačne ponude 09-20-11-2-2109/22 od 08.11.2022. godine
- Zapisnik nakon provedene e-aukcije broj 09-20-11-2-2109/22 od 15.11.2022. godine

Dostaviti:

- Sektoru za mat-fin poslove;
- ponuđačima;
- u spis.



**ZAMJENIK DIREKTORA
GENERALNI INSPEKTOR POLICIJE
Ensad Korman**